


澹
堂
集

五



澗堂文集

五
卷

澹堂文集序

予論詩於當代推一人爲徵君孫豹人先生其爲詩不
僅宗一代一人故能獨爲一代之詩亦遂爲一代之人
他不敢知矣亦時爲文多謙讓不自居曰吾非工此者
用以殿吾詩耳屬予序予於徵君非第好其詩且并愛
其文其爲文甚異夫今之爲文者也獨取徑唐人或摹
晉魏六朝獨不肯學宋時之人或非之不知其文之可
愛亦如其詩者正在乎此耳不見徵君之爲詩乎最喜
學宋時之人大非之而其詩之工又奚啻其文也歟此
徵君詩之所以異卽其文之所以異也夫

揚州汪懋麟撰

漑堂前集卷之五



焦穫孫枝蔚豹人著

五言律詩

懷方爾止游越中

聞爾出門後偏逢戰伐初
違時愁髻髮失路痛樵漁
京口方多故長干未可居
閨中琴久罷誰爲報相如

秋夜翟家莊作

城市終年慣不知秋氣寒
此間風颭颭分外夜漫漫
憂國身先老携家路正難
隣砧休太急衣褐典皆完

懷王築夫

傷哉王處士貧劇爲親喪
老日兼憂國諸生慍絕糧
微

吟面多淚久亂道難光風昔談經地於今作戰場

李杞瞻曰詩造到此處正難爲賞音者

憶十三弟穉發時方議諸商助餉聞已入城

日念催科急竟看離別輕身貧難助汝髮白愧爲兄江
漢塗方塞淮揚馬亂鳴小商愁性命無以應秋征
倚賴惟朋友儒身使汝嗟無才安瑣尾有命等泥沙入
月湖風大飢兒瘡癘加至今衣短葛愁絕水之涯

贈田家翁

浦中開晚荷一老正高歌莊僻垣籬少秋晴鳥雀多澆
田用湖水釋耒製漁簑自說橋邊路馬蹄從未過

寄題范睢生幽草軒

范生湖海士幽草却相親庭戶如空谷交遊半逸民詩
能存雅體時有詩苑天聲之選病不厭歌唇意態飛揚甚終知異
隱淪

浮雲憐世態管鮑道逾尊每遇北來客動稱幽草軒壺
觴無俗氣絲竹發清言始識賢豪意經旬恥閉門

送無言弟象五之汝南

但存高隱意入市有巖阿我亦曾行賈君今遠渡河故
人前路滿名士汝南多獨陟高岡處瞻兄易作歌

贈延令明府唐含拙

北地推才子爲邦果有餘烽烟三月後歌舞萬家初壤
僻還隣澣官貧只煮魚辛勤濟時意曾否厭兵車

客延令遇舊咸陽明府張天任有贈

西京歸未得隣邑事空聞最憶千花樹長瞻萬里雲逢
人論才子垂老識邦君披豁風塵裏鼓鼙愁夜分
儘有臨邛令誰真愛布衣多君昔爲宰處士實光輝祿
米分偏易林泉興不違吾生苦狼狽感激老漁磯

曾庭聞同客延令別予先歸悽然有贈

爲人常作客與爾忽相從寒日衣能解窮途話易重吾
儕尊鮑叔當世恕臨邛又復成分手依依且曉鐘
寧都望寧夏萬里獨歸人堂上終朝嘆橐中何太貧文
章工倚馬官長奪垂綸勞我初相慮休輕負米身
移家知不易苦欲住山東愛爾先賢裔無忘闕里風六

經兵火外一水詠歌中早晚餽糧備還應待歲豐
笑言曾未了臨別更多端駿馬何時賣妖姬着意看樽
前呼中婦扇上畫雙鸞切莫教相妬仍歌行路難
真性如君少虛懷獨我知蒹葭蒙不棄小大必周咨且
和巴人調休高郢客詞論文遭側目飄泊竟何爲
忽忽歲云暮時時恨落暉夢中呼我起愁裏說君歸古
寺僧多俗霜天鴈正飛去留皆拙計惟有淚沾衣

季希韓携具過寺寓

久客多相賤厨分飯後僧看君如季布失路愧孫登酒
至爐圍火詩成月照水飛揚還白首萬事荷溪懲

唐含拙明府携具見過寺寓

明府方多務僧房破寂寥公餘行古道戰後樂今朝禮
數庖皆識文詞主不驕風流何娓娓雪意任蕭蕭
延令客稀至風景我能言花樹密遮路春潮流到門絃
歌輕鐵騎意氣重金樽韋布慙迂拙長思報弟兄

遇張容庵話舊

於心有何恨酒罷涕橫流匣裏雙龍在人間猛虎愁十
年能忍辱一日未忘讐報復雖人子淵冰更遠謀
握手十年後君應察此心平生懷一飯原不重千金報
德稱韓信揮鋤謝華歆功名與交道感嘆發長吟

得方爾止越中消息

遊吳曾有約不謂滯錢塘屢月無鴻鴈沿途半虎狼秋

寒楓正落湖淨練初長岳廟經過處題詩淚萬行

勉兒

寒宵不易得倏忽過深冬身病愁兒懶名成任歲凶三千推德行十六著中庸努力稱儒者雕蟲那足攻

懷楊吉公司理

時被誣未雪

嘆息楊司理金陵竟久羈于公宜有後貝錦彼何爲白眼傲偏甚清樽貧定持頻年魚鴈絕使我淚常垂姊讐聞已報讒口尚難明不解皇天意空傷白首情雲深鐘阜樹月照廣陵城風景徒瀟洒羈栖倍可驚

客中還作客聞爾在吳門勢去酬恩少囊空典謁尊琴臺應獨上文選與誰論

揚州有文選樓

寂寞應吾道相寬只酒

鐫

冉冉年華逝悠悠故舊疎氣衰吾已甚眼病爾何如醉裏休看劍愁中且著書長懷發忠告欲寄又成虛
華山未扶杖渭水待張魯欲返舊鄉里思惜老友朋雪消看白日璧美任青蠅快意重相聚尋花更訪僧

寒

天寒不肯遲堂後北風吹鶴髮稱貧士羊裘共小兒窻空須對酒薪盡更愁炊陋巷人稀過顏回是我師

贈郭次斗移居次王天葉韻

庚子

卜宅高人意林深鳥語譁但能數晨夕不必作隣家畫閣藏紅袖晴窻捲碧紗春來梅摠發樹樹是瓊花

次斗舊居

與余
爲隣

元夜索火不得作此自傷

貧日無佳節元宵倍早眠
索燈嗔稚子聽雨愛寒天
何處燒銀燭誰家列綺筵
揚州十萬戶野老太蕭然

周極先招同吳仁趾宛僊較書泛舟西溪

東臺塲

高會憐羈旅歡場向釣磯
海邊逢妓少醉裏任春歸
歌罷微香發詩成一鷺飛
眼中童與冠愛爾更忘機

李岷瞻曰詩成句大是曲終人不見江上數峯青

游人無僻壤勝槩不須多
草色碧如此肉聲清奈何

施思

山日耳目搖蕩老年惜環珮
醒眼畏干戈
明月前溪滿歸舟緩過

晚

一燈明古殿道士又焚香不分鳥投樹生憎僕計糧愁
心還此夕酒味薄他鄉果有延年術先從覓睡方

葉翁招飲未赴聞吳賓賢在坐

異鄉羨高會海雨聽難徹病足衝泥怯愁心對酒違虛
聞書滿架誤使燭明扉坐上吳均在詩成和者稀

露筋祠

花貌丹青古靈旗風雨多黃昏仍獨自白鳥近如何巫
曲迎神罷官船打鼓過廟門對湖水香氣但聞荷

淮瀆廟樓寓作

三伏愁爲客飛飛羨水禽小樓成獨坐古廟有悲吟婦

熱思粗葛兒飢待一金揚州雖咫尺書信易浮沉

登北固山

幾年思北固不忍倦南遊遙對千帆影能空六代愁人
行江鳥路樹帶海雲秋望裏山皆好全將爽氣收

金山

潮落題詩處漁翁送客來山風下吳楚海月上樓臺僧
老黿鼉大鐘殘鼓角哀全家寓江北絕頂首頻回
殿角鳴檣燕山腰立海鷗此間風物異無那客心愁身
世殊張祐歌吟類楚囚更憐諸老衲閒坐說瓜洲
竟作談兵地游人恐未諳樓船看海上歌哭聽江南計
礙漁家艇烽明古佛龕翻憐太平日無用是烟嵐

懷李叔則

共喜歸鄉早誰憐老態侵
人成白首教子勝黃金
敏捷蕭文琰淹通劉士深
自從賦離別孤陋嘆如今

黃河舟中

自是故鄉水曾經萬里程

李杞瞻日岑參詩那知故園月也到鐵關西今云故鄉水

意更新創○王阮亭曰亦不異人意難其渾勁

勢雄因近海力大漫臨城映土

無殊色從天瀉怒聲他時遭運會草野頌河清

長貧愁命蹇逆浪會風回賴有同舟客或邀神鬼哀分

憂及薪米問姓愧蒿萊此意須相勞何當一把杯

七尺雖無用臨深亦可驚安能化爲草得在路邊生

揖司吾命風塵損至誠陽侯知試客處世貴心平

不敢端然坐常隨挽緯人空腸半泥土赤腳歷荆榛忠
信寧無力文章愛此身更聞舟子語前路滿黃巾
險過思妻子茅廬傍大江蜻蜓何處至入眼忽成雙飽
試崑崙水歸臨松菊窻從頭說天意收淚對銀缸
不因風雨至纜斷每堪憂險處全無浪愁時更見舟龍
形勞寸折虎勢勇中流三老躊躇甚潮吞舊酒樓
空囊行遠道賈客爲悽悽釜小多爭爨河長竟飲泥防
身尊柁櫓戒殺念魚鷄爲歷艱難久初將物理齊
自省平生過波間淚易揮田荒勞幼弟名盛慮慈幃墳
墓誰相守遠遊胡不歸箜篌歌最苦永取後人譏
生理人皆有狂瀾可奈何隨予一老僕累爾受風波識